



1110
12

1160
12



西湖志卷之二十七

碑碣

夫披文相質宏於齊梁後世紀勝題年益復雲起
要以流風跡導餘薰其致一也西湖碑碣相望眉
山涑水並有摩崖既鵲顧以龍盤亦鯨呿而鼉擲
為嗜古者所耽翫焉爰搜白瓦用次丹書未虞岸
谷之殊或藉琳瑯之載云爾志碑碣

孤山路

石壁法華經 舊在孤山寺即廣化寺見元槿
孤山石壁法華經記文見寺觀

陳襄竹閣題名 舊在廣化寺內熙寧七年立石咸淳四年重立見咸淳臨安志

蘇軾六一泉銘 舊在報恩寺內明洪武初釋行昇重立見西湖遊覽志文見山水

歲寒巖三大字 在孤山巔

歲寒巖篆 郭令公歷中書二十四考廣成子住

空同萬八千年 字已漫漶西湖遊覽志云相傳蘇軾書

林逋墓碣 舊在墓前和靖先生墓咸淳四年金華王庭書立石見咸淳臨安志

謹按金石之文每多散佚凡現存者依洪氏隸釋例悉據原文登載於左惟佛經無庸全錄及詩文已載別門者俱一一注明其或文不足錄者止登時代歲月或碑已遺亡而原文尙散見羣籍者則用小字錄出即注本行之下以存其舊俾覽者有考焉

重建巢居閣記 舊在孤山江浙儒學提舉長沙李祁記又大理少卿夏時正記并書篆見

成化杭州府志

宋孝宗書蘇軾陳朝檜詩 舊在孤山之南檜傍立石小亭內見咸淳臨安志

重修西湖書院記 舊在孤山之南貢師泰撰見成化杭州府志

西湖書院田記 舊在孤山之南黃潛撰見成化杭州府志

重修西湖書院記 舊在孤山之南山長陳泌記又夏時正記并書篆見成化杭州府志

錢塘先賢堂記 舊在第一橋中書舍人王暨撰見咸淳臨安志文見祠宇

先賢堂鄉名士列士贊辭 舊在堂側見武林舊事

南山路

涌金池三大字 舊在湧金門內吳越王元瓘書清泰三年丙申之歲建午之月特開此池

見夢梁錄

洞古經 舊在湧金門外顯應觀宋理宗書見西湖遊覽志

顯應觀碑 舊在湧金門外觀內嘉定三年樓鑰奉詔撰并書見咸淳臨安志文見寺觀

彌陀頌 舊在靈芝崇福寺內蘇軾撰并書見古今碑刻

靈芝崇福寺記 舊在湧金門外寺內宋參政何澹撰見成化杭州府志文見寺觀

靈芝崇福寺賜田記 舊在寺內宋丞相鄭清之撰見成化杭州府志文見寺觀

表忠觀碑 在今錢王祠門內兩列

朝奉郎尚書祠部員外郎直史館權知徐州軍州

事騎都尉蘇軾撰 文見祠宇 嘉靖三十六年杭州知

府陳柯重摩立石 正書

華嚴經 舊在雷峰塔上圍繞八面吳越王錢俶撰記見咸淳臨安志

湖隱上人贊 舊在淨慈寺為濟顛作不署名見元牘記

家人卦 在南屏興教寺後

三三家人利女貞 至 反身之謂也 隸書分十二行字徑八寸摩崖

樂記 在家人卦後

君子曰禮樂不可斯須去身 至 舉而錯之天下無

難矣 隸書分十行字徑八寸摩崖

中庸

在樂記後

子曰道不遠人至君子無入而不自得焉

隸書分十行字

徑八寸

右司馬溫公書

正書摩崖

謹按以上三篇書法同末題司馬溫公書武林舊事云此唐人書後人添刻溫公其實非也考光之父司馬池於康定元年知杭州後亦封溫公或其守杭時書此以教民正未可知光本傳稱光於寶元初中進士甲科因池在杭求簽蘇州判官事以便省視故池有敘述吳越風俗文係光代作見於傳家集此段摩崖大抵池為守時所刻故咸淳臨安志亦稱溫公書也

琴臺二大字

在家人卦傍

琴臺

行書字徑三尺

米芾書

正書摩崖

三生石三字

在家人卦傍篆書摩崖

周昌題名

在家人卦傍

南山之隈白石巍巍上有丹崖下有琴臺彌天然

師與我游哉勒名石堅庶播將來至正甲午仲春

吳興周昌書於南屏石壁

正書摩崖

張若谷等題名

在南屏

龍圖閣學士刑部侍郎知府事張若谷兩浙路體

訪安撫三司度支判官稅課轉運使司勳郎中張

從華康定辛巳暮春二十三日游晏此山盡日而

去正書
摩崖

蔡襄等題名在南
屏

資政殿學士諫議大夫知軍州原武鄭戩天休轉
運使尚書兵部員外郎隴西李定子山轉運使尚
書口部員外郎東平呂覺秀民尚書祠部郎中集
賢校理彭城錢仙游綺翁著作佐郎館閣校勘甫
陽蔡襄君謨慶曆元年辛巳十二月十日題正書
摩崖

鄭民瞻等題名在南
屏

鄭民瞻德常弟民監先覺民度仲詳陳浚口叔徐

代用用之上官口口口黃應叔和慶曆二年口午

正月十九日游此正書字徑
三寸摩崖

蘇温雅等題名在南
屏

蘇温雅舜欽楊混慶曆二年八月六日倩仲題正
書

字徑五
寸摩崖

浦延熙等題名在南
屏

宋皇祐辛卯歲季秋既望浦延熙李喬游南屏山

王題記隸書字徑
五寸摩崖

魯元翰題名在南
屏

魯元翰熙寧乙卯仲夏再游正書 摩崖

王廷老等題名在南 屏

王廷老伯敷張靚子明孫迪彥誠胡志忠仲舉吳

君平常甫郭附明仲熙寧八年四月廿三日同游

南屏興教寺正書 摩崖

晁仲舒題名在南 屏

晁仲舒與姪端彥張援同游正書 摩崖

樓鑰少林二大字在南 屏

少林正書 字徑 八尺 橫寫 攻媿正書 字徑 一尺 在大字左 摩崖

艮卦在幽 居洞

艮其輔言有序悔亡隸書 字徑 六寸 摩崖

損卦益卦在幽 居洞

☶☶山下有澤損君子以懲忿窒欲☳☳風雷益

君子以見善則遷有過則改隸書 字徑 六寸 摩崖

雲壑二字在南 屏 隸書 字徑 五寸 摩崖

蒼谷題名在南 屏

蒼谷題正書 字徑 尺餘 摩崖

左傳晏子語在太 子灣

晏子曰君令而不違臣共而不貳父慈而教子孝而箴兄愛而友弟敬而順夫和而義妻柔而正姑慈而從婦聽而婉禮之善物也

隸書分五行字徑一尺書法與家人

卦同摩崖

乾祐鑿佛贊

在石屋洞

觀音自在菩薩尊像一軀并裝彩龕室等因而讚曰大聖觀音身現塵刹隨聲響應咸見菩薩了茲寶相孰不解脫善哉淨信本惠清豁命乎鄙手倚巖鐫割水月現前儼然生活乾祐二年歲在己酉

九月十日日記

小行書摩崖又有數段並吳越時刻文莫辨

陳襄等題名

在石屋洞

陳襄蘇頌孫弈黃顥曾孝章蘇軾同游熙寧六年

六月二十一日

正書摩崖

謹按咸淳臨安志云石屋洞崖彷彿有東坡題名傳云黨禁時鐫去今字畫朗然此出後人重刻是以書法遠不逮龍華

王廷老等題名

在石屋洞

曾雒陽王廷老伯敷錢塘吳君平常甫大名王頤正甫昭武上官塏彥明臨川王安上純甫同游熙寧

癸丑七月己未

正書字徑四寸文右行摩崖又一刻在水樂洞題名人同

魯元翰題名

在石屋洞

熙寧甲寅十月二十五日扶風魯元翰游石屋洞

君彥君亮侍行

正書摩崖

王廷老等題名

在石屋洞

王廷老伯敷吳君平常甫孫迪彥誠胡志忠仲舉

郭附明仲張靚子明熙寧八年四月廿三日同游

石屋洞

正書摩崖

潛說友題名

在石屋洞

潛說友來 咸淳五年七月望日

正書摩崖

大德鑿佛記

在石屋洞

昔在石晉佛天福年中開山建院刊堅珉為瞿曇

羅漢像凡七百餘尊星霜屢易大欠莊嚴遂投誠

檀信擇吉鳩工重繪重整再□再新以廣其傳願

一切人普同瞻仰後之人繼承我志時理之庶永

示於不朽也□德□年歲在壬寅住山永隆識

正書

摩崖

謹按年號上失二字考壬寅歲為元大德之六年也

員嶠真逸等題名 在石屋洞

皇慶壬子九月八日員嶠真逸河東李侗士弘偕

淨慈晦機中竺元叟明慶市巖演福湛堂會稽千

巖同游男思德侍行是日風高氣清乘輿就高峰

行書摩崖

施振等題名 在石屋洞

至正戊子夏四月望郡人施振楊瑀莫昌鄔進禮

大同游 隸書摩崖

沈嘉等題名 在石屋洞

皇元至正壬寅冷食通州沈嘉彭城羊宣河東張

齊燕南孫中古越張朗杭州王皞武林王旬太原

王萃同游 正書摩崖

煥著等題名 在石屋洞

至正十四年三月六日奉御煥著檢校王謙照磨

任士文管勾張晉掾史王昀部管勾王畋永嘉陳

昧同游南山諸公俾昧書於石屋洞以識歲月 正書

摩崖

楊朶兒只班題名 在石屋洞

至正十四年暮春中臺知印楊朶兒只班偕潭州

總管伯篤魯丁同游 正書 摩崖

方豪石屋二大字 在洞內

石屋 草書字 徑尺餘 思口書 行書名滅 一字摩崖

謹按西湖志諸洞名皆棠陵 方豪書豪字思道此豪書也

孫克弘燕谷二字 在石屋

燕谷 隸書字 徑四寸 雪居 正書 摩崖

孫克弘雲窩二字 在石屋

雲融 篆書字 徑五寸 雪居 正書 摩崖

姚原道等題名 在石屋

丙辰季秋廿九日通川姚原道彥聖與弟原古伯

玉原仁安叟原孝景純同游子姪滂汲滌沈炳澣

侍行 正書 摩崖

吳涵石屋洞詩 在洞內

石屋雲深處煙厓日午時坐來幽興極老我一題

詩 丹園吳涵 正書 摩崖

西關淨化院碑 在水樂洞

西關淨化禪院新建之記 題額 篆書 開運三年歲在

丙午二月十日記

正書文見寺觀

謹按此記載咸淳臨安志不著撰人書人姓名今觀碑字泐裂過半惟首行題名處撰字上有冲援名書字上有遂徵名然難求其實矣

淨化院經幢

在水樂洞

佛頂尊勝陀羅尼經

經不錄

紹熙壬子三月癸酉

朔二十二日甲午內侍武功大夫主管佑神觀李

隶建

小楷內止二面字微可辨

蘇軾水樂洞詩

舊在洞傍咸淳中刻石見咸淳臨安志

孫克弘清響一字

在水樂洞

清響

隸書字徑尺餘

華亭雪居書

正書摩崖

尹彥明等題名

在煙霞洞

雒陽尹彥明趙伯奔邢叔端朱晞真致一時可子

寅寧極維方紹興戊午十月四日同來

篆書摩崖

謹按朱晞真名敦儒朱子極稱其能書此段玉筋篆敦儒筆也

周氏世德記

舊在滿覺壠朝奉大夫太常博士知常州王安石撰見成化杭州府志

謹按襄陽志林周輝云曾祖仁熟於王荆公爲中表請得上世墓誌託米元章書入石號世德碑即

此碑是也

劉公泉三字

在南高峰下宋常平劉常贇池因篆書三字於石見萬曆杭州府志

大佛字

在南高峰

佛

正書字 徑八尺

慶元丙辰三月八日檀越胡安錢塘

景明就石書本口邱大榮刻

巖主淨津建隸書 摩崖

虎跑寺經幢

在寺門 天福六年立小楷末 有建幢記行書大字文多不辨

虎跑寺碑

在寺內

大慈山定慧禪師寺記

篆書 題額

至治三年十月甲

申日記

正書碑半 在牆內

虎跑泉碑

在寺內

虎跑泉銘

篆書

前翰林學士承旨嘉議大夫知制

誥兼脩國史兼太子贊善大夫金華宋濂撰并篆

額 前僧錄司右普世天界善世禪寺住持天台

沙門釋宗泐書 洪武二十三年夏六月初八日

中天竺寺淨戒當代住山首記同立石

正書文 見山水

蘇軾游祖塔院詩

在虎跑寺 洪武二十三年 重摩刻行書詩見寺觀

虎跑泉記

在泉上 大理少卿楊復 撰見成化杭州府志

玉岑二大字

在玉岑山 許采書 摩崖見西湖遊覽志

李忠勇神道碑

在赤山

高麗寺尙書省牒碑

在寺內

碑碣一

七

尚書省牒大字行書

前往持平江府吳江縣華嚴寶

塔教院僧清遠小字正書

牒奉敕宣差住持臨安府

南山高麗慧因教寺牒至準敕故牒大字行書

寶慶

三年正月日牒小字行書尚書省印

少師右丞相魯國公

押參知政事宣押

參知政事薛押大字行書右行

尚書省牒僧清遠大字行書尚書省印二

臨安府劄小字正書

錄文不寶慶三年正月日小字正書尚書省印

少師右丞

相魯國公押封大字行書尚書省印二

高麗寺碑在寺內尚書省牒碑陰正書字多不辨

諭祭少保于謙碑在三台山墓前謙子兵部郎中冕立見成化杭州府志

宋楊太后書道德經舊在小麥嶺太清宮刻石幢上見西湖遊覽志

蘇軾等題名在大麥嶺

蘇軾王瑜楊傑張璠同游天竺過麥嶺正書字徑三寸文右

行摩崖

邱邠題名舊在風篁嶺靜菴邱邠賈似道乙未臘月二日來游復亨泰侍後三十一年夏

閩大丞相魏國公賈似道再登揆席少駐湖曲賜第因謁演福來此客廖瑩中陳詩川從子德生侍

見咸淳臨安志

謹按此段題名今已不見惟賈似道尚存數題一在三生石隸書一在石屋洞一在龍泓洞並正書

似道精於碑刻即所存摩崖皆大書深刻第其人不足錄耳

秦觀游龍井題名

舊在龍井寺見萬曆杭州府志文見山水

龍井記

舊在龍井寺元豐二年記米芾書鄭清之跋其下見萬曆杭州府志

辨才法師真贊記

舊在龍井寺元豐元年資政殿學士右諫議大夫知杭州趙抃撰見

成化杭州府志

跋辨才十題

舊在龍井寺元豐二年八月高郵秦觀跋辨才徒懷楚刻石見咸淳臨安志

辨才法師行業記

舊在龍井寺元祐癸酉大中大夫守門下侍郎蘇轍撰見成化杭州

府志

壽聖院訥齋記

舊在龍井寺元祐元年三月朝奉大夫主客郎楊傑撰見成化杭州

府志

蘇軾等題名

舊在龍井蘇軾錢總江公著柳雍同謁龍井辨才元祐六年正月七日

祐庚午辨才老師年始八十道俗相慶施干袈裟飯千僧七日而罷眉山蘇軾子瞻洛陽王瑜中玉安陸張璠全翁九江周燾次元來餽

蘇茗二月晦日書見咸淳臨安志

方圓菴記

在龍井

杭州龍井山方圓菴記

元豐癸亥四月九日慧

日峰守一記

鹿門居士米元章書

萬曆丁酉

仲夏知仁和縣事晉陵口口跋行書

神運石題字

在龍井

截嶺神運石下有玉泓池

草書

南山道人李德遣

五丁神運此石就立在石上

正書

謹按此十字縱橫有法運池二字獨大幾尺餘絕類米書西湖遊覽志止言石上有神運二字非也

葛采詩

在龍井

千年靈洞幾人看洞裏丹青畫未乾當是神仙棲

止處石懸龍跡噴陰寒 口巢葛采留題住山善

慶摩刻

正書 摩崖

林景度等題名

在龍井

林景度韓無咎李秀叔司馬李思崔子霖韓子師

乾道辛卯八月晦自龍井來

正書字徑四寸摩崖

方豪等題名

在象鼻峰

癸酉正月九日思道從惟忠斯清再至見舊題迷

誤復書此

行書 摩崖

胡楷聯峰二字

在南山心菴摩崖

董其昌陳繼儒李流芳等題名

在聯峰摩崖

錢武肅王廟碑

在方家峪成淳臨安志云舊稱錢王太廟錢氏五王皆祠焉前有豐碑螭

首龜趺極高大已經剝蝕細按之實未嘗刻字者

西林法惠院雪齋記

舊在方家峪院中元豐三年四月十五日秦觀撰見成化杭州

府志文
見寺觀

錢鏐慈雲嶺題名

在嶺上

梁單闕之歲興建龍山至浞灘之年開慈雲嶺便

建西關城宇臺殿水閣今勒貞珉用記年月甲申

歲四月十五日吳越國王記

篆書字徑五寸摩崖

謹按此刻凡四十九字分七行行七字即在嶺路傍陷石壁一方刻其字畫頗完好府縣志稱止十八字及立碑嶺上者誤也

佛法僧三大字

在慈雲嶺

佛法僧正書字徑三尺

熙寧二年己酉歲中秋日無錫

弟子陳延柏施財刊石正書摩崖

雲泉二大字

在慈雲嶺

雲泉篆書字徑一尺

贊曰惟石生雲泉流涓涓上應銀

漢徹於璇源玉陽史際

隸書摩崖

宋仁宗佛牙贊

在慈雲嶺石佛院

佛牙贊 仁宗神文聖武明孝皇帝製

正書大字贊不錄

大宋紹聖改元甲戌歲乙亥月敬刊於杭州慈

雲嶺永壽石佛殿之左

正書

謹按此刻在石佛院殿之左壁摩崖為之係七律一首咸淳臨安志已辨其偽託詩亦俚鄙今觀其

上有舊題額云新建鎮國贊延遐齡石像之記凡十二字篆書頗精妙此必吳越鑿石佛時所記之文後為俗僧磨改殊可惜也

沖羽書心印銘 在慈雲嶺舊石龍院傍石壁內

心印銘 唐翰林學士兼太子侍讀史館脩撰守

右補闕梁肅作 浩浩羣生或動或靜或幽或明

旁魄六合運用五行莫不因其心而寓其形波流

火馳出入如機如環無端莫知其歸或細不可視

或大不可圍日月至明或以為昏秋毫至微或以

為繁或囊包天地或渴飲四海舒卷變化惟心所

在天壽得喪惟心所宰心遷境遷心廣境廣物無

定心心無定境明則有天人幽則有鬼神苦樂相

紛如絲之棼有無云云不可勝言抑末也已本則

不然惟本之為體寂兮浩兮不可道兮顯矣默矣

不可測矣統萬有於纖芥視億載於屈指外而不

入內而不出不闔不闢不虛不實無感不應無應

不神在天而天在人而人常存而未始或存常昏

而未嘗或昏豈惟我然蓋無物不然豈惟我得蓋

無物不得混而為一莫覩其極故曰心生法生心

滅法滅離一切相則名諸佛 錢唐講律僧冲羽

書 陶翼并男拱鑄字 天宋皇祐癸巳歲七月

草堂僧慎微糾同志刻於石龍院之崖 正書字徑三寸摩崖

錢倩仲題名 在石龍院心印銘傍

建中靖國元年仲冬會稽錢倩仲游 正書字徑三寸摩崖

石龍淨勝院捨田記 在石龍院傍 淳熙庚子三月十三日住山釋子崇立石正書

記魏氏三八孃捨田事文不錄

建庚申勝會記 在石龍院千佛頭 紹興二十七年立正書文不錄

瑤華洞三大字 在千佛頭

瑤華洞 正書字徑八寸 皇祐元年己丑九月提點兩浙

缺左 守尚書度支員外郎蘇舜元立石 右邊摩崖

錢倩仲題名 在瑤華洞

彭城錢倩仲辛巳仲冬十八日乘輿游瑤華洞 小楷

分六行橫寫摩崖

普澤院仁法師行業贊 舊在龍山院內觀文殿學士金紫光祿大夫尚書戶部侍郎孫沔撰見成

化杭州府志

錢鏐郊臺題名 在天眞寺內靈化洞

梁龍德元年歲次辛巳十一月壬午朔一日天下

都元帥吳越國王錢鏐置

正書字徑五寸摩崖

林逋蘇軾題名

舊在靈化洞

天真寺小石幢

在寺內吳越時刻文莫辨

宋孝宗玉津園燕射詩光宗和詩

舊在嘉會門外玉津園淳熙元年刻

石見咸淳臨安志

傅大士像塔記

在宋郊壇淨明寺吳越胡進思造晉天福十年二月十一日惠電記見成

化杭州府志

司馬池等題名

在龍華寺後

司馬池周駸錢聿石再寶陳嘉謨謝景伯馬元康

同游此寺康定二年中秋二十四日元翼題

正書字徑

三寸摩崖

蘇軾等題名

在龍華寺後

蘇軾王瑜楊傑張璠同游龍華元祐五年歲次庚

午三月二日題

正書字徑四寸摩崖

謹按蘇軾諸題名黨禁時都刻去多出後人補刻惟此題係原刻故精采倍常

王希呂等題名

在龍華寺後

淳熙八年閏月甲午駕幸玉津園王希呂韓彥直

閻蒼舒鄭丙口輝王佐施師點趙汝恭孟經葉翥

賈選木待問宇文价以扈從至此

正書 摩崖

蕭燧等題名

在龍華寺後

淳熙十年三月十八日車駕幸玉津園蕭燧王佐

黃洽曾逮宇文价葛邲王藺張大經詹儀之余端

禮李昌圖趙彥中以扈從至此

正書 摩崖

蕭燧等題名

在龍華寺後

淳熙丁未季春甲子駕幸玉津園蕭燧韓彥直字

文价洪邁葛邲蔣繼周韓彥質王信陳居仁李岷

陳賈張森顏師魯劉國瑞胡晉臣扈從至此

正書 摩崖

范成大等題名

在龍華寺後

至能季思壽翁虞卿子宣正甫渭師子餘无咎淳

熙戊戌季春丁巳同游子師不至

正書 摩崖

周必大等題名

在龍華寺後

周子充程泰之劉正甫王仲衡芮國瑞陳敦仁吳

希深木韞之齊子餘以淳熙己亥季春廿有二日

同來

正書 摩崖

京鏜等題名

在龍華寺後

紹熙五年冬至簽書樞密院事豫章京鏜祀上帝

齋宿於寺 慶元改元季秋鐘以知樞密院事再齋宿於此 二年孟夏雩祀上帝鐘以右丞相充初獻仍齋宿於此 三年鐘以右丞相充雩祀初獻齋宿於此 五年四月鐘復齋宿於此仍以右丞相充初獻 六年春分祀高禩鐘復以右丞相充初獻齋宿於此 並正書 慶元四年冬至日祀昊天上帝永嘉許及之以同知樞密院事充初獻 慶元五年九月十二日祀上帝同知樞密院事許及之充初獻 並隸書摩崖

何澹等題名

在龍華寺後

慶元二年二月十四日春分祀高禩栝蒼何澹以同知樞密院事充初獻齋宿於龍華 慶元三年二月二十六日春分澹以參知政事復充高禩初獻齋宿 慶元四年九月祀上帝臨海謝深甫以知樞密院事兼參知政事充初獻齋宿於寺 慶元五年二月十八日春分禩祀澹以參知政事充初獻齋宿 慶元六年孟夏望日雩祀上帝深甫以右丞相充初獻齋宿 五月十六日禱雨祀上

帝深甫充初獻 慶元六年冬至日祀上帝長樂
陳自強以簽書樞密院事充初獻齋宿 嘉泰元
年二月八日春分禘祀澹以知樞密院事兼參知
政事充初獻齋宿 嘉泰元年雩祀上帝深甫充
初獻齋宿 五月十八日禱雨祀上帝深甫充初
獻齋宿 嘉泰二年四月雩祀上帝自強以參知
政事兼知樞密院事充初獻齋宿 嘉泰二年九
月九日同知樞密院事袁說友以季秋祀上帝齋
宿於此 嘉泰癸亥四月壬子簽書樞密院事廣

都費士寅齋宿以雩祀上帝充初獻也 開禧初
元二月二十三日祀高禰廣陵張巖以參知政事
充初獻齋宿龍華寺 開禧初元四月十一日雩
祀上帝吳越錢象祖以參知政事兼同知樞密院
事充初獻齋宿於龍華 開禧元年九月八日祀
上帝自強以右丞相充初獻齋宿 開禧二年孟
夏雩祀上帝自強充初獻齋宿 開禧二年長至
日祀昊天上帝眉山李壁以參知政事充初獻齋
宿龍華 開禧三年正月初四日上辛祈穀自強

充初獻齋宿並正書 摩崖

袁說友題名在龍華寺後

慶元六年八月吏部尚書建安袁說友四以奏告

齋宿於此隸書 摩崖

潛說友等題名在龍華寺後

咸淳七年正月二十二日潛說友徐理同游龍華

正書 摩崖

吳越錢文穆王神道碑在妙因山墓道前

大晉故天下兵馬都元帥守尚書令以下 中書

侍郎同門下平章事和凝撰行書 見冢墓

謹按此碑高一丈五尺首行止存十餘字文凡立十行每行九十字前一半石已泐盡後半完好處

尚可讀書法絕佳今冢墓所載者從十國春秋錄出止銘也

白居易虛白堂詩舊在鳳凰山府治刻石立堂上見咸淳臨安志詩見古蹟

雙門記舊在和寧門內至和二年莆田蔡襄撰見輿地碑記文見古蹟

清暑堂記舊在鳳凰山府治治平三年莆田蔡襄撰并書又范仲淹記並見成化杭州府志文

見古蹟

戒石銘舊在鳳凰山府治治平四年郡守祖無擇撰見成化杭州府志

宋高宗玉堂二大字舊在學士院學士周麟之刻石見咸淳臨安志

宋高宗損齋記

舊在宋南內紹興二十八年十一月出內札以新刻石本損齋記賜羣臣

見建炎以來朝野雜記文見古蹟

謹按高宗所書論孟諸經俱刻石名曰石刻孝宗啟光堯石經之閣於太學以貯之今遺在杭州府學者雖不全尚有七十餘石每石分四段悉皆正書此損齋記已不傳考志雅堂雜鈔云高宗書損齋二字并損齋記後有左僕射沈該以下題識惜乎不可得見也

紹興米帖

舊在宋南內紹興辛酉高宗集米芾墨蹟刻石禁中見韻石齋筆談

宋孝宗春賦

舊在和寧門北都堂淳熙六年右僕射蔣芾等刻石見中興館閣續錄

淳熙重刻淳化閣帖

舊在宋南內凡十卷卷尾楷書題淳熙十二年修內司恭奉聖

旨摸勒上石見法帖譜系

慶元黨籍碑

舊在尚書省慶元三年立置籍凡五十九人見中興編年

宋理宗玉堂詩

舊在學士院直院牟子才馬廷鸞等刻石見咸淳臨安志

謹按理宗亦善書其所製古聖十三贊大字正書今在杭州府學字畫頗完好

王羲之墓田丙舍帖

舊在宋南內埋宗刻石見石刻鋪敘

錢鏐排衙石詩刻

在鳳凰山頂

王東南一劍定長鯨口帝匡扶立正聲口輝爭

不仗神明口建瑤壇禮玉京口口常熬不會停口

口恆傳寶藏經口口今為顯真靈口口口來鎮上

清正書字徑二寸摩崖

謹按舊志稱排衙石有錢王詩刻今觀所存七言詩八句首行止一王字係當時臣下所刻前有行書數行字差小皆已漫漶僅存仙聖所居必有禎祥之事宮庭旋建聊題七言八句餘多不辨審詩意似為建郊壇而作也

鳳山二大字在鳳凰山頂

鳳山正書字徑七尺 淳熙丁未春洛王大通書正書摩崖

王大通等題名在鳳凰山頂

宋人王大通宋黻穆冠卿淳熙丁未春晚同來正書

字徑四寸摩崖

梵天寺經幢在寺門

大佛頂陀羅尼經在幢內三幅字已漫漶 大隨求即得大

自在陀羅尼神咒經右幢經不錄並正書 建幢記竊以奉

空王之大教尊阿育之靈蹤崇雁塔於九層衛鴻

圖於萬祀梵刹既當於圓就寶幢是鎮於方隅遂

命選以工人鑿於巨石琢鞭來之堅固狀涌出之

規儀玉削霜標花雕八面勒佛頂隨求之加句為

塵籠沙界之良因所願家國恆康封疆永肅祖世

俱乘於多福宗親常沐於慈恩職掌官寮中外寧

吉仍將福祉徧及幽明凡在有情希沾妙善 乾

德三年乙丑歲六月庚子朔十五甲寅日立 天

下大元帥吳越國王錢俶建並行書

靈鰻井記舊在梵天寺僧錄贊寧撰刻塔石上見咸淳臨安志

觀音泉銘舊在羅漢洞嘉泰元年立石見咸淳臨安志

勝果二大字在勝果寺殿後立石碱下

勝果隸書字 皇宋淳熙十三年夏四月甲子重

建正書

忠實二大字在勝果寺後 正書字徑五尺橫寫摩崖

謹按此書無題款成化杭州府志云勝果寺有宋高宗書忠實亭石刻在鳳凰山之右或即此書也

躍雲二字在勝果寺後 隸書字徑八寸摩崖

鳳山靈應廟記舊在廟中洪武中杭州府儒學教授徐一夔撰見成化杭州府志

石刻諸經在崇聖寺中

佛說阿彌陀經黃輝書正書有跋 般若波羅密多心

經嚴大紀書正書 佛說四十二章經李流芳書正書

佛遺教經嚴調御書正書 金剛經嚴調御書正書

浴像功德經嚴調御書正書有跋 金剛經董其昌

書分三十體 梵行品沈鼎新書正書 七佛偈嚴調

御書正書 信心銘嚴武順書正書 證道歌陸賁思

書正 瀉山警策俞時篤書正

昭貺神廟記 在三郎廟下

鄉貢進士戰惟肅撰金華吳肅書吳興趙奔篆至

正二十五年七月日錢塘縣尹仇有進立石 正書文見

祠宇

佛頂尊勝陀羅經 在江干開口磚塔宋刻無紀年書人

大佛頂陀羅尼經 在江干石塔宋刻無紀年書人

歐陽脩秋聲賦歸雁亭詩 舊在六和寺傍真聖觀內見咸淳臨安志

六和塔尚書省牒碑 在塔內

尚書省牒 大字行書 牒文 小字正書文不錄 牒奉敕宜賜

開化寺為額牒至准敕故牒 大字行書 少保尚書左

僕射同中書門下平章事簽書樞密院事兼權參

知政事錢 押 同簽書樞密院兼權參知政事虞

押並大字扁寫 隆興二年十二月日牒 大字尚書省印 付僧

智曇劄 押臨安府印小字正書文不錄 付開化寺劄 小字正書文不錄

乾道元年七月日 押臨安府印 乾道元年八月日

押臨安府印

修六和塔磚記 在塔內磚刻字陽文首題大宋國末書辛巳四月

觀世音經像碑 在六和塔

佛說觀世音經 前有大士圓光小像經文小楷細書袖珍本經不錄 已定

居士董仲永向施小字觀音經後以湮沒遂成中

輟今復命工刻經於石用廣其施又求得菩薩妙

相李伯時墨本同刻諸石作無盡施仲永稽首合

掌說偈 贊不錄 時紹興二年歲次壬子中元日記

小楷此段在經文之前上亦有大士跌坐像

金剛般若波羅密經 在六和塔

金剛般若波羅密經 依經文分三十二段經不錄正行書各體不著名

昔熙寧盛時賈文元公與名德耆舊三十有二人

為僧智利悟朋共書金剛經一卷今朝廷奠安四

方無虞六和塔主僧智曇請於親貴鉅公接踵前

規合同寫此 跋隸書以下缺

佛說四十二章經 在六和塔

特進尚書左僕射同中書門下平章事吳興郡開

國公沈該 第一 左正奉大夫守尚書右僕射同

中書門下平章事縉雲郡開國公湯思退 第二

左中大夫知樞密院事陳誠之 第三 左中大夫

參知政事陳康伯第四段 左太中大夫同知樞密

院事王綸第五段 左太中大夫權吏部尚書賀允

中第六段 左朝請郎試尚書吏部侍郎兼史館

脩撰兼侍講葉義問第七段 左朝請大夫試尚書

兵部侍郎兼侍講兼直學士院楊椿第八段 左朝

散郎試給事中兼直學士院兼同修國史周麟之

第九段 左朝散郎試中書舍人兼權樞密都承旨

洪遵第十段 左朝散大夫充敷文閣待制提舉佑

神觀楊傑第十一段 左朝奉大夫權尚書吏部侍郎

沈介第十二段 左中奉大夫權尚書戶部侍郎趙令

諤第十三段 左朝奉大夫權尚書禮部侍郎兼侍講

孫道夫第十四段 左朝請郎權尚書工部侍郎王

晞亮第十五段 左朝請郎權尚書刑部侍郎兼權詳

定一司敕令黃祖舜第十六段 左宣教郎試起居舍

人兼權中書舍人張孝祥第十七段 左朝請大夫太

常少卿兼權中書門下省檢正諸房公事宋棐第十八段

第八段 左朝奉大夫守宗正少卿金安節第九段 右

朝請郎守大理少卿李洪第十段 右朝議大夫司

農少卿董萃 第二段 右中大夫行太府少卿錢

端禮 第二段 左朝奉大夫將作監張宗元 第二

十三 左朝請大夫軍器監張運 第二十四 左

朝請大夫尚書吏部郎中楊朴 第二十五 右朝

奉郎守尚書戶部郎中兼權金部郎中莫濛 第二十六

段 右奉直大夫尚書刑部郎中路彬 第二十七

左朝散郎守尚書工部郎中張廷實 第二十八

左奉議郎守尚書吏部員外郎兼權尚書右司郎

官周操 第二十九 左朝奉郎尚書吏部員外郎

兼國史院編脩官兼權樞密院檢詳諸房文字葉

謙亨 第三十 左朝奉郎尚書吏部員外郎兼國

史院編修官胡沆 第三十一 右朝散郎尚書司

勳員外郎陳俊卿 第三十二 右宣教郎守尚書司

封員外郎鮑彪 第三十三 左朝請郎尚書考功員

外郎陳棠 第三十四 左朝散郎尚書禮部員外郎

楊邦弼 第三十五 左朝奉郎尚書祠部員外郎兼

權國子司業張洙 第三十六 右承議郎尚書刑部

員外郎黃子淳 第三十七 左朝請郎尚書都官

員外郎兼玉牒所檢討官兼權戶部員外郎楊倓

第三十八段 左奉議郎守尚書比部員外郎沈樞

第十九段 左朝請大夫行尚書屯田員外郎韓彥直

第四十段 左承議郎祕書丞兼國史院編脩官兼

兵部員外郎虞允文 第四十一段 右奉議郎祕書省

校書郎兼國史院編脩官兼權尚書駕部員外郎

洪邁 第四十二段 經文俱不錄 聖宋紹興乙卯冬十一月旦

西蜀布衣武翊跋 跋不錄 都勸緣住持傳慈恩宗

教僧智曇立石 正書

謹按六和塔大小諸經撮俱極一時書人之選且字畫完好可玩也

余知閣宅界碑 舊在雲棲塢有余知閣三截句見雲棲寺志

西湖志卷之二十七

總校董紹舒分校

王彥起
張景雲校

西湖志卷之二十八

碑碣二 附鐘鼎

北山路

白居易錢塘湖石記

舊在石函橋側長慶四年三月十日杭州刺史白居易撰見成

化杭州府志
文見水利

謹按長慶集題作錢塘湖石記蓋記西湖水利之事石記云者即碑記也自輿地碑目改作石函橋記後來作志者俱仍其誤故正之

六井記

舊在相國井亭上熙寧七年太常博士通判杭州蘇軾撰見咸淳臨安志文見水利

乾道重脩六井記

乾道三年龍圖周淙撰見咸淳臨安志

咸淳重脩六井記 咸淳六年侍郎盧鉞撰見咸淳臨安志

謹按六井記碑舊在城內相國井至乾道咸淳二碑舊志不著立石之處故載六井記後餘城內碑碣不涉西湖者不復闌入

蘇軾南漪堂杜鵑花詩刻 舊在錢塘門外菩提院內見石蹟記

昭慶寺戒壇白蓮社記 舊在寺內壇側宋轉運使孫何撰見成化杭州府志文見

寺觀

古刻白蓮堂詩 蓮社詩 文殊頌 悟真律師行

樂記 菩提寺記 舊在昭慶寺內見咸淳臨安志

杭州放生池碑 在昭慶寺西石塔頭

杭州放生池記 天禧五年三月二十七日記

朝奉大夫給事中知杭州軍州兼管內堤堰橋道

勸農市舶使提舉杭蘇路兵甲巡檢公事護軍太

原縣開國男食邑三百戶賜紫金魚袋王隨撰

宣德郎守大理寺丞兼杭州清酒務吳遵路篆額

錢塘僧德齊書 正書字徑三寸下有列銜十八人文見藝文

施儒等游湖倡和詩 在大石佛院左壁

山頭嘯長風湖心汎晴月此意吾自知莫向游人

說吳興施儒 正書 高眠南屏雲脫幘西湖月奇縱

抗俗眸大嘯憑人說吳郡顧元慶分書 清清湖中

水皎皎山頭月西向與東流千古無異說嘉靖三

年口口董樵和正書俱摩崖

宋理宗戒烹宰碑舊在石函橋德生堂淳祐八年立石見夢梁錄

涵碧橋記大中祥符五年兩浙水陸轉運使宣德郎守起居舍人直史館陳堯佐撰見成化杭州府志文

馬券碑在馬勝見金石林時地考

金祝二太尉廟記在小溜水橋靈衛廟

宋京學司書三山鄭子文撰 儒林郎徽州錄事

判官彭一飛書 成化十三年杭州同知成安李

果重摩立正書文見祠宇

靈衛廟正祀典考劄付在廟中洪武七年六月立正書文不錄

廣惠廟二碑在錢塘門外霍山廟中慶元丙辰錢塘南嶽廟求梓撰見咸淳臨安志趙文見祠宇

吳越封山記舊在保叔塔落星石相傳羅隱為記見武林舊事

屏風院記舊在落星石傍見武林舊事

壽星巖三字在寶石山上摩崖

赤霞二字在寶石山孫克弘書八分摩崖

節用愛人視民如傷八大字 在寶石山正書字徑二尺無題款黃周星竹枝

詞注云相傳為賈似道書

錢鏐嘉澤廣潤龍王廟碑 舊在寶石山大佛寺傍貞明二年歲丙子正月丙

辰朔十五日天下兵馬都元帥淮南鎮海鎮東等軍節度使尚父守尚書令吳越王錢鏐撰見咸淳

臨安志文見祠宇

孫花翁墓誌 舊在寶稷山劉克莊撰見武林舊事

智果寺重建記 舊在寶石山西寺中天台徐夔撰見成化杭州府志

玉版蘭亭 舊在賈似道葛嶺私第似道命刻工王用和取定武本蹙小之刻成賞以勇爵又號

王枕蘭亭見至正直記又王忠文集云玉枕蘭亭後刻右軍小像題曰秋壑珍玩

施岳墓碑 舊在虎頭巖即施梅川薛梯颺誌李篋房書周艸窗篆蓋見武林舊事

謹按薛梯颺名夢桂李篋房名彭老周艸窗名密

重建岳鄂王忠烈廟碑 舊在北山岳廟鄭元祐撰見僑吳集

岳飛詩詞二首 舊在岳廟見西湖遊覽志

岳鄂王石刻像 舊在岳廟流芳亭贊曰惟武穆王天錫勇智氣吞強金力扶宋季桓桓師

旅元戎是寄行將恢復遭讒所忌生既無怍死亦何媿萬古常存惟忠與義見西湖遊覽志

夏言滿江紅詞 在岳廟行書大字

盡忠報國四大字 在岳墳前莆田洪珠書

張憲墓碑 舊在仙姑山墓上元杭州路總管夏思忠立石見成化杭州府志

世綵堂法帖 舊在仙姑山下廖瑩中藥洲園中其堂名世綵因以名帖見法帖譜系

鄭處士墓碣 在青芝塢墓上

有元竹隱鄭處士墓 篆小 鄱陽周伯琦書 正書

永安院石幢 在埽帚塢 廣順二年壬子二月丙午立見咸淳臨安志

楊繪等題名 在靈鷲寺 熙寧七年楊繪魯有開陳舜俞蘇軾書見錢塘縣志

屠墟靈昭廟殘碣 在秦亭山之陰靈昭廟內

尚書省牒 大字草書石 斷文不全

謹按此碣首行存尚書省三大字其文細字正書約有三十餘行漫滅幾盡可辨者二百餘字蓋理宗淳祐七年里人請於朝敕封此神為屠墟靈昭侯故有是牒文內隱約神名為劉璋今新碑直指

為蜀主劉季玉恐未可信然咸淳臨安志已失載此廟則其文亦莫可考矣

方井二大字 舊在桃源嶺下井亭上米芾書見萬曆杭州府志

觀音寺石幢 在九里松觀音寺內 加句尊勝咒吳越寶大三年乙酉十一月八日婺州浦

江縣胡氏女建經文不錄見成化杭州府志

蘇軾華嚴經破地獄偈碑 舊在九里松萬壽圓覺院見咸淳臨安志

宋理宗御書千字文碑 舊在九里松萬壽圓覺院見法帖譜系

普福教寺記 舊在普福嶺宋家之巽撰見成化杭州府志

五朝制命 在積慶山貢士徐鑑立見成化杭州府志

李公謹等題名 在飛來峯頂

李公謹唐卿楊洎損之慶曆六年七月十三日來

正書字徑三寸
文右行摩崖

李谷題名 在飛來
峯頂

治平甲辰五月七日趙郡李谷容之從男侑奉命

謹題 正書
摩崖

元國書

在飛來峯書分七層後題至元二十五年八月口日建功德主石僧錄液沙里兼贊摩崖

朱裳題名

在飛來峯頂止朱裳二字正書字徑尺餘
摩崖裳沙河人嘉靖中浙江布政使見七

修類
稿

理公塔石刻

舊在龍泓洞靈鷲塔
開寶八年募眾
重建釋伽磚塔一座在清遠橋靈山里

見靈隱
寺舊志

天削芙蓉四字

在理公巖見
靈隱寺舊志

周伯琦理公巖記

在理
公巖

理公巖昔高僧慧理師嘗燕宗焉在錢塘虎林山

天竺招提之東玲瓏幽邃竹樹岑蔚至正九年上

人慧苕居觀堂起廢緝敝爰開是巖窈窕繚復鄣

如堂皇雲涌雪積發洩靈蘊後七年左丞綏寧楊

公之弟元帥伯顏清暇游憇快奇樂靜捐金庀工

載鑿巖石刻十佛及補陀大士像金碧炳赫悅躋

西土冀邀福惠壽我重親利我軍旅冰釋氛沴永
奠方岳巖之異勝誕增於昔為虎林奇觀實苕公
軌行精慤有以致之居毗號曰菩薩蓋非夸益天
竺和尚允若師臘已八十與苕同志徵文示久乃
篆諸石浙省參知政事番陽周伯琦伯溫記并書

篆書
摩崖

龍泓洞三大字 在洞額

龍泓洞 金華王庭書 正書上三字徑八寸今已剝去傍款存

龍泓洞三字 在洞門元江淮釋教都總統所經歷郭口書見靈隱寺舊志

龍泓洞鑿佛題名 在洞內廣順元年歲次辛亥四月三日鐫記小楷文不錄摩崖

謹按石屋龍泓多吳越時鑿佛俱有題記龍泓二段字法精妙多不著年號皆同時刻也

烏重儒題名 在龍泓洞

泉州刺史烏重儒寶曆二年六月十八日口口過

游此寺 正書摩崖

孫覺等題名 在龍泓洞

孫覺張徽戊申十一月晦同來 正書摩崖

謹按孫覺字莘老此戊申宋神宗之熙寧元年也

蘇頌等題名 在龍泓洞

蘇頌子容蔣之奇穎叔岑象求巖起李杞堅甫熙

寧壬子 正書 摩崖

高荷題名 在龍泓洞

子勉游 行書字 徑五寸

熙寧丁巳 小行書 摩崖

李琮等題名 在龍泓洞

李琮朱明之楊景略黃頌胡援林熙元豐二年五

月四日游靈鷲洞 正書橫寫文 右行摩崖

楊景略等題名 在龍泓洞

楊景略胡宗師范响黃頌彭汝礪王祖道林希元

豐己未七月十三日游靈隱洞 正書字徑 四寸摩崖

胡宗師等題名 在龍泓洞

胡宗師蔡舉用同游元豐二年七月十七日 正書 文右

行摩崖

蔣之奇篆書 舊在龍泓洞見 西湖遊覽志

陸德輿等題名 在龍泓洞

陸德輿載之趙與麐致道與豈中甫淳祐戊申中

伏後一日避暑同來 正書 摩崖

潛說友題名 在龍泓洞

潛說友君高父

柳葉篆字
徑八寸

咸淳乙丑閏月

正書
摩崖

亢氏也先帖木題名

在龍
泓洞

皇元至正庚寅春吉日副崇教亢氏也先帖木

正書

字徑三
寸摩崖

郝璿等題名

在青
林洞

太平興國二年戊寅十二月二日郝璿與知府正

郎范轉運使副劉杜巡檢太保翟戶部判官杜通

理孟同至此

正書
摩崖

查仲道等題名

查應辰等續題

一刻在
青林洞

江右查仲道錢塘周世科西蜀曹山口口口庭訓

口後百有四年兵部查公會孫朝散大夫提舉

兩浙常平等事應辰察推周公曾孫承議郎通判

越州軍事權復同游此洞敬觀遺刻實崇寧改元

歲次壬午月二十有八日也

俱正書
摩崖

謹按先後二題名以後題崇寧元年上推百有四
年是為真宗咸平二年周氏錢塘人即王安石所
撰周氏世
德碑者

胡承德鑿佛題名

在青
林洞

弟子胡承德伏為四恩三有命石工鐫盧舍那佛

會一十七身所期來往觀瞻同生淨土時大宋乾

興口口四月日記正書 摩崖

錢德範等題名在青 林洞

臨安錢德範莆陽僧貽孫同游皇祐二年六月一

日正書 摩崖

沈遼等題名在青 林洞

癸卯重午偕王伯虎來弟邀道偕行沈遼題正書 摩崖

沈立等題名在青 林洞

立之中行伯馡子雍子明熙寧辛亥九月廿三日

同游正書 摩崖

晁端彥題名在青 林洞

晁美叔熙寧八年七月八日題正書 字徑 三寸 摩崖

趙善郊等題名在青 林洞

浚儀趙善郊國安諷夫子美必愿立夫成紀李劉

公甫宛陵奚祝和甫開封向士逢吉甫古栝朱方

叔君猷嘉定十有五年末伏日避暑來游隸書 摩崖

石景衡等題名在青 林洞

石景衡叔平杜僎升陽同游小字 正書 摩崖 無年月朱刻

道宗等題名

在青林洞

道宗用晦行甫己未三月三日游

正書摩崖無年月宋刻

玉乳洞

金光洞

射旭洞

在各洞門並方豪書見靈隱寺志

楊遵理公巖三字

在射旭洞內

理公巖

篆書字徑一尺橫寫

射旭洞鑿佛題名

在洞門

清口弟子陸慶并妻李氏一孃造觀音菩薩一尊

乾興元年四月日記

行書摩崖

白居易冷泉亭記

舊在冷泉亭三石口杭州刺史白居易撰見成化

長慶二年八月十

杭州府志文見古蹟

冷泉亭碑

舊在亭上吳越寶大元年癸未立石見成化杭州府志

雲林寺經幢

在寺門

大佛頂陁羅尼經

左幢

大隨求即得大自在陁羅

尼咒經

右幢經文俱不錄

新建佛國寶幢願文

蓋聞

慧炬西然法雲東被眷言興建寶煥簡編我國家裂壤受封帶河礪岳既勤王而繼世諒荷寵以乘時言念真宗聿懷多福於是傍搜勝景廣闢宏規築湖畔之山岡構城西之佛閣莫不遐森杞梓妙

西海記 卷二十八
選榭柵營罕漢之基垆列倚天之像設釋迦化主
中尊而高儼睟容慈氏彌陀分坐而淨標妙相仍
於寶地對樹法幢雕築琅玕磨礪琬琰勒隨求之
梵語刊佛頂之祕文直指丹霄雙分八面伏願興
隆霸祚延遠洪源受靈貺於祖先助福禧於悠久
軍民輯睦疆場肅寧宗族以之咸康官寮以之共
治四十八願永符法處之良因八十種好更備曇
摩之圓智得大堅固不可稱量凡在含生同躋覺
路 天下大元帥吳越國王錢俶建 時大宋開

寶二年己巳歲閏五月日 二幢同 並正書

雲林寺經塔 在寺內 殿堦下

大佛頂陁羅尼經 二塔經文同俱不錄並正書無 題款靈隱寺舊志云吳越時建

上有石扁書吳興廣 濟普恩真身寶塔

梁簡文帝石像記 舊在雲林寺 見輿地碑記

靈隱寺十詠詩 舊在寺中至道三年正月承奉郎守 將作監丞梅詢撰寺僧刻石見成化

杭州 府志

景德靈隱寺記 舊在寺中羅處約撰見 錢塘縣志文見寺觀

月中桂子詩 舊在寺中天聖己巳秋七月沙門遵式 作給事中胡則和詩遵式刻石見靈隱

寺舊志

重修靈隱寺記

舊在寺中皇祐四年端明殿學士初請大夫尚書禮部侍郎李淑撰見成

化杭州府志

靈隱寺圓明大師塔記

舊在寺中政和辛卯七月樞密直學士朝議大夫許幾撰

見成化杭州府志

三十六般篆書金剛經

舊在雲林寺宋靈隱僧莫庵道閒集見錢塘縣志

司空相國詩

舊在雲林寺見輿地碑記

嵩嶽大師影堂記

舊在雲林寺見輿地碑記

靈隱山資聖院殿記

舊在院中靖康元年正月朝奉大夫直祕閣薛尚書見成化杭

州府志

韓世忠題名

舊在靈隱山翠微亭紹興十二年清涼居士韓世忠因過靈隱登覽形勝得

舊基建新亭榜名翠微以為游息之地待好事者三月口口日立男彥直書見靈隱寺舊志

連道善等題名

在伏犀泉上

連道善鵬舉張文蔚同游建炎三年閏八月二十

五日

正書字徑四寸摩崖

趙抃題名

在韜光菴元豐二年己未二月十二日資政殿大學士太子少師南陽郡公趙抃

閱道謁韜光菴主佑光見石蹟記

蘇軾題名

在韜光菴蘇軾張璠楊傑王瑜元祐五年二月二日同游韜光見咸淳臨安志

重建韜光菴記

在菴內大理少卿夏時正撰見成化杭州府志

吳大帝黃武二年刻字

舊在粟山上黃武二年歲在戊午八月三日見太平寰

字記

謹按吳紀黃武建元起於壬寅其二年當是癸卯故咸淳臨安志只載粟山有吳大帝刻字而不載其文已疑其訛矣又寰宇記云刻字在石杵闊二丈長一丈四尺以今驗之不類杵形成淳志只云石柱近是也

宋憲聖吳皇后書金剛經

舊在石人嶺下時思薦福寺后自跋見咸淳臨安志

益王神道碑

舊在時思薦福寺傍蔣燦書見武林舊事

普慈大師塔銘

舊在呼猿澗北嘉祐六年釋契嵩撰

虞用晦題名

在靈隱山石街虞用晦元豐二年七月二十二日見靈隱寺舊志

陳古題名

在靈山塔側陳古平甫同德甫游見靈隱舊志

張奎等題名

在靈隱山

太常寺太祝張奎拱微太常寺太祝張覲經臣進

士口文安口口康定辛巳口夏十日同游謹記

正書

王競等題名

在靈隱後山

王競皇甫彥李聞王慎修俞俟同游宣和四年三

月十一日

正書字徑三寸文右行摩崖

沈遼等題名

在靈隱後山

睿達善述素道與炳之來癸卯重午

正書摩崖

蘇軾等題名

舊在下天竺 楊繪元素魯有開元翰陳舜俞令舉蘇軾子瞻同游熙寧九年九月二十日見咸淳臨安志

蘇軾和周次元激水詩

舊在下天竺知客寮 道眼轉丹青嘗於寂處鳴早知雨

是水不作兩般聲詩碑嵌壁見西湖百詠詩引

陸羽二寺記

舊在下天竺寺前見西湖百咏詩引

天竺靈山寺記

舊在下天竺寺嘉祐己亥七月翰林學士知制誥尚書禮部胡宿撰見成化杭州府志又一碑強至撰見錢塘縣志文見寺觀

宋高宗書心經

舊在下天竺靈山塔下見湖山勝槩

開天竺路題名

在下天竺

天福四年己亥歲五月二十五日開此路上山作

基址豎造觀音殿宇都勾當興國中直都隊將冷

球都軍頭李安記

正書摩崖

源少良等題名

在下天竺

監察御史源少良陝縣尉陽陵此邦太守張守信

天寶六載正月廿三日同游

正書摩崖

王澹等題名

在下天竺

節度判官侍御史內供奉賜緋魚袋王澹右驍衛

兵曹參軍崔琪永貞元年冬季正書文右行摩崖

蕭悅等題名在下天竺

前太常寺奉禮郎蕭悅前太常寺奉禮郎王口正書

文右行摩崖王名損微似亘字

路公弼等題名在下天竺

路公弼翁端朝傅國華容吉考麥公明孟子與徐

明叔宣和五年夏四月乙亥同來篆書字徑一尺摩崖

謹按書史會要稱徐兢字明叔篆法絕佳此兢書也

吳棫等題名在下天竺 吳棫周之翰史范雲程敦厚紹興壬戌同校藝見靈隱寺舊志

三生石三大字在下天竺 三生石中峰上篆書摩崖

吳璞等題名二刻並在三生石

金陵吳璞吳琳眉山袁炎焱宛陵季雲龍 淳祐

壬子春仲之九日吳璞吳琳重來偕行薛可久並正

書字徑五寸摩崖

趙簣翁題名在三生石

至正六年丙戌九月庚寅聞喜趙簣翁夏縣樊益

吉安邑介好仁因尋三生石同登正書字徑三寸文右行摩崖

閻二定住等題名

在三生石

皇元至正十年仲冬中書省斷事官閻二定住翊

正司丞董古魯譯史納速刺同游

正書摩崖

周伯琦題名

在三生石

至正戊戌二月廿三日浙省參知政事鄱陽周伯

琦伯温將鎮中吳專別允若教師重游香林洞題

名厓石以紀歲月是日就謁觀堂菩薩慧炬篆理

公新巖記靈鷲主者友人來會從游男宗仁宗智

隸書字徑三寸摩崖

李良等題名

在翻經臺

淳祐丁未立秋二日天台李良夏紹基武夷翁孟

寅金華何子舉嘉禾葉隆禮宛陵吳琪來游喜雨

正書摩崖

楊瑀等題名

在翻經臺

至正六年秋九月朔太史楊瑀翰林張翥謁福初

上人因登蓮花峰留名崖石從游者施維才郟韶

正書字徑三寸摩崖

曹潛夫等題名

在香林洞

西泠志 卷二十一
潛夫同德卿仲文懿老聖咨游 正書字徑五寸摩崖宋刻

王達等題名 在香港林洞

泰定五年春二月吳郡王達莫維賢葉森陸友同

游 隸書字徑三寸摩崖

盧元輔游天竺寺詩 在神尼塔下

水田十里學袈裟秋殿千金儼釋迦遠客偏求月

桂子老人不記石蓮花武林山價懸隋日天竺經

文隸漢家苔壁媧皇鍊來處洞中待我埽雲霞

大唐杭州刺史盧元輔游天竺寺 正書字徑三寸文右行摩崖

天竺寺慈雲式公行業贊記 舊在寺內慶曆三年翰林學士朝散大夫起居

舍人判禮部吳有撰見石蹟記

天竺山日觀菴通教大師塔記 舊在菴內皇祐二年十一月資政殿學士

金紫光祿大夫尚書戶部侍郎知杭州范仲淹撰見石蹟記

天竺靈隱二寺記 舊在靈隱寺陸羽撰釋遵式立石見古今碑刻文見寺觀

中天竺華嚴閣記 舊在寺內王信撰見錢塘縣志

天竺寺慈濟大師勝公塔記 舊在寺內慶曆三年十月端明殿學士李淑

撰見成化杭州府志

上天竺寺經幢 在寺門

佛頂尊勝陀羅尼經并前序 罽賓沙門佛陁波

利譯

經文俱不錄

光文大德賜紫沙門彙征撰建幢

記夫立幢之垂範乃造塔之濫觴刊梓刻檀嫌其易朽鏤金鑄碧慮以難藏不若挺叱羊射武之貞姿編貫玉聯珠之梵字可大可久如山如河尊勝陀羅尼者花藏貞心竹乾祕語濟善住七生之苦道闡欲天感文殊一現之恩教傳漢地舟橫業海車指迷津息肩惡道之間提耳昏衢之內拯湮淪於歷劫延短折於浮生備載靈編久彰神應或置

麗譙之內或安窳堵之中或勒在幢間或表之山上風觸而輕塵及物尚落罪花日臨而清影到身猶凋業蔓克行盛事綽有善人佛弟子吳保容吳鐔雙驥標奇二龍並譽墳笈合韻村萼連芳蕪情田而畢使豐登澄心水而無令混濁與會首謂衆人曰給孤長者之園苑香山居士之林泉可以同構善門寄茲勝地獨營則其力不逮衆辦則厥功易成徧募信人獲錢卅萬購之貞石命彼良工鑿勒精奇磨礱細麗蓮花捧日雲葉盤空層層異狀

奇形宛如飛動面面真軀聖相忽謂經行仰窺鶴
表以爭高側視雁層而競巧固可利霑家國福贊
君親凡施貲財皆列名氏承有為之善力至無作
之真歸其次滯魄孤魂銜冤負累應念而皆期解
網有心而悉使登車雖引善以及人終獲報以予
已命愚序述式紀歲時染逸少之鹿毛摘子雲之
蟲篆文質苞羞於君子辭華有醜於外孫且曰昔
也鐵塔傳芳聞諸河朔今也石幢藏事見之浙陽
彼則受福於人寰此則誓心於佛道以今況古一

何遼哉時乙未歲冬十二月壬寅朔十一日記幢二

同 供使衙書寶幢手殷承訓左 書幢記僧義

月右 吳越國王造未行題五大

謹按二幢記題乙未歲考吳越備史武穆王薨於
壬辰至乙未文穆王嗣位之三年此後唐廢帝之
清泰二年也建幢記後禊記於舍數十人并沙門
弟子名末行大書吳越國王造五字此尊其國主
耳惟五字下刻跡一條疑當時用吳越紀年至納
土後削去者二幢以承訓所書為尤佳不減胡季
良龍興寺幢供使衙
蓋吳越時之官稱也

上天竺觀音旃檀瑞像記舊在寺中天禧三年朝奉
大夫尚書屯田郎中蘇平

撰見成化
杭州府志

千佛閣記

在上天竺寺紹熙五年二月甲寅
提刑趙時逢撰見上天竺山志

十六觀堂記

在上天竺寺嘉定元年樓鑰
撰見上天竺山志文見寺觀

上天竺講寺住持題名碑

在上天竺寺開慶元年九
月壬寅晦巖照記見上天

竺山志

續上天竺歷代住持題名

在上天竺寺皇慶二年夏
住持竹屋元淨書見上天

竺山志

觀自在菩薩五大字

在天竺寺門
注于高書

宋理宗書聖教序

舊在上天竺觀音寺石本
藏雲漢閣見錢塘縣志

吳山路

胥山祠銘

舊在吳山伍公廟元和十三年朝散大夫
杭州刺史上柱國盧元輔撰王適書見古

今碑刻文
見祠宇

吳山清忠廟記

舊在伍公廟皇祐元年王安石撰嘉
熙四年趙與權重立石見咸淳臨安

志文見
祠宇

重建清忠廟記

舊在伍公廟嘉祐七年臨川王安
國撰見咸淳臨安志文見祠宇

英衛閣記

舊在伍公廟嘉熙四年臨安府尹趙
與權撰見咸淳臨安志文見祠宇

吳山第一泉

在吳山井洪武七年參政徐本立石
紀宋遺事於碑陰見成化杭州府志

天井記

在吳山下天井巷嘉泰二年八月
殿中侍御史林采撰見石蹟記

承天靈應觀碑

在三
官廟

至正三年九月既望清容元一文度法師教門講

師張天雨撰

文不錄

亞中大夫杭州路總管兼管

內勸農事知渠堰事任處一書

正書

學士資善大

夫吳直方篆額

篆書

通元顯應嘉成真人吳山承

天靈應觀佑文成化祠甲乙住持唐永年徒弟道

士呂昌齡童昌寧徒孫詹茂忠楊茂誠立石

正書

靈應觀甲乙住持劄付

在觀內正書朝命劄付二道傍用元國書題年上蓋印

宋理宗眞武像贊

在吳山重陽菴

於赫眞武啟聖均陽克相炎宋寵綏四方累朝欽

奉顯號徽章其右我宗祏萬億無疆

正書上有兩午御書二印

下有道經小字一段經不錄

諸葛鑑元等題名

在青衣洞

大唐開成五年六月十日口口南岳道士邢令

聞錢塘縣令錢華記道士諸葛鑑元書

隸書摩崖內損三字

大字心經

在青衣洞傍刻有佛像見萬曆杭州府志

彭舉涌泉二字

在青衣洞

陸游閱古泉記

舊在青衣洞傍嘉泰三年四月乙巳山陰陸游記韓侂胄立石見四朝聞

見錄

蘇軾寶成院賞牡丹詩在寺中明刻見西湖遊覽志

歲寒松竹四大字在吳山寶成寺吳東升書

麻曷葛刺佛碑在寶成寺

朝廷差來官驃騎衛上將軍左衛親軍都指衛使

伯家奴發心喜捨淨財莊嚴麻曷葛刺聖相一堂

至治二年口月口日立石正書

宋仁宗賜梅摯詩舊在吳山頂嘉祐中立石後湮沒

刻小碑即此詩也見咸淳臨安志

有美堂記舊在吳山頂嘉祐四年歐陽修撰蔡襄書見成化杭州府志

前度劉郎詩在吳山

千里是南華由來祖釋迦吾師何所往留得牡丹

花前度劉郎題行書下有東魯生印

薩都刺游紫陽洞詩在瑞石山紫陽菴

題紫陽勝境 元肅政廉訪司知事雁門薩都刺

天錫 天風吹我登鼇峰大山小山石壘壠赤霞

日射紫瑪瑙白露夜滴青芙蓉飄飄雲氣穿石屋

石上涼風吹紫竹掛冠何日賦歸來煮石篝燈洞

中宿行書

紫陽仙蹟圖記 舊在空翠亭萬曆三十一年布政范

并繪成圖勒石 亭中見西湖志

第一山三大字 在紫陽山

第一山 行書字 徑四尺 米芾書 姜召刻 正書 摩崖

見滄二大字 在寶奎寺正書字徑尺餘傍有印文今不辨咸洎臨安志云理宗書兩湖塵談

云其傍款璽 云御書之寶

宋高宗道德經 舊在元妙觀盧壯父撰 御書記見中興館閣錄

蜥蜴碑 舊在元妙觀子午泉側 唐李邕撰見西湖志

開寶仁王寺重建記 舊在七寶山寺程公許撰見 成化杭州府志文見寺觀

吳山第一峰五大字 在七寶峰頂見 西湖游覽志

三茅窻壽觀尙書省牒 在七寶峰三茅觀外石壁

尙書省牒 牒奉敕宜賜窻壽觀為額牒至准敕

故牒 草書大字 分六行 紹興二十年尙書省奉敕賜題

臨安府七寶山三茅堂 正書小字 尙書省印 太師尙書右

僕射同中書門下平章事 押 參知政事余 押

簽書樞密院事參知政事巫 押並大 字扁寫 紹興二十

年六月日牒 正書小字 尙書省印

三茅窻壽觀記 舊在觀中陸游撰見咸 淳臨安志文見寺觀

三茅寧壽觀記 在觀中翰林學士鄧文原撰見成化杭州府志

諸天寶閣記 在吳山三茅觀戶部尚書商輅撰見成化杭州府志文見寺觀

宋高宗御書三詩 在通元觀三清殿後石壁見通元觀志

劉真能通元觀創建記 在觀後石壁見通元觀志

貫雲石虞伯生張仲舉贈道士俞行簡詩 舊在通元觀鹿泉之

右石壁上見通元觀志

唐英濟王汪華像 在七寶山汪氏家廟上刻宣和二年跋

汪華歷代封誥 在汪氏家廟

雲居一大字 在寺中趙孟頫書見金石林時地考

三佛泉銘 在雲居寺鄧文原撰見成化杭州府志

中峰梅花詩 在雲居寺趙孟頫書見錢塘縣志

懷淨土詩 在雲居寺趙孟頫書見錢塘縣志

西溪路

宋高宗禁酒牌 在陶家廂不為酒稅處五字刻石見都城紀勝

法華山重修東嶽廟記 在廟內寶慶丁亥劉禹撰見西溪梵隱志

永興寺碑 在寺內黃汝亨撰見西溪梵隱志

處士吳興姚澣墓誌 大中八年九月二十四日葬錢塘見成化杭州府志 此以下

三條俱無地址可考

游西山記

天禧四年十一月知杭州王隨撰見成化杭州府志

明智講師眞贊記

嘉祐四年翰林學士中書舍人曾公亮撰見成化杭州府志

鐘鼎附

淨慈寺鐵鍋

在寺內有禎明二年造題款

淨慈寺鐘

洪武十一年十一月造宋濂銘見濂芝園後集

金塗塔

舊在鳳凰山錢武肅王宮中其文用金錯見朱彝尊金塗塔考

尊勝寺鐘

舊在鳳凰山尊勝寺涪熙改元會觀篆銘見客杭日記

鐵井闌

在六和塔錢武肅王刻八卦於上見吳越備史

上天竺鳴陽樓鐘

舊在寺左鐘樓刻紹興七年二月鑄賜住持應如管領明成化間徙

懸鎮海樓見上天竺山志

宋鼎

舊在三茅窰壽觀宋孝建元年八月作有銘紹興中賜於觀見咸淳臨安志

唐鐘

舊在三茅窰壽觀唐常州澄清觀女冠王玉仙造河東薛泚銘紹興中賜於觀後徙入禁中見

咸淳臨安志

開寶仁王寺鐘

在七寶山寺內端平元年尙方鑄賜

西湖志卷之二十八

總校董紹舒分校

王彥起校
張景雲

西湖志卷之二十九

撰述

自宋錢氏作書藏於兩山之間而西湖始富有縑帙然鴻編鉅製不皆專屬湖山難以悉登簿錄惟名流撰述卷帙單行足備湖山掌故者特存其篇目以供探討云志撰述

西湖古蹟事實二卷

唐杜光庭著見續文獻通考不載卷數惟陳氏世善堂書目題二卷

道藏目錄上都太清宮供奉賜
紫杜光庭號廣成先生著廣成撰述

集十七卷又著洞天福地岳瀆名山記

西湖古蹟事實一卷

宋錢塘傅牧著

書錄解題錢塘進士傅牧以楊蟠西湖百詠增廣共為一百八十三

目紹興壬午自序

西湖志十卷

明沈梅近溪著

茅坤近溪沈公墓表公所草西湖志頗稱詳核多先輩見聞所不逮

西湖遊覽志二十四卷 志餘二十六卷

明錢塘田汝成叔禾著前志敘述湖山勝蹟首孤

山湖堤次以南北兩山以及城闔依路敘次兼錄

詩詞凡山川古蹟寺觀人物仙釋里巷俱詳焉以

所遊歷而言故名曰遊覽志志餘凡分十二門紀

南宋時事居多嘉靖二十六年自序萬曆十二年

巡按浙江御史江陰范鳴謙重刻有序杭州知府

濟南季東魯後序

西湖志八卷 志餘十八卷

吳人姚靖著以田汝成舊志略為增刪康熙己巳

自序

西湖便覽十二卷

明武林高應科志賢著分路序次悉仍田志之舊
惟改北山於南山之前改六橋自北而南已廢祠
宇苑囿另爲小字以別之城內盡從刪略其所云
便覽者以所載之詩每句空一字如坊刻千家詩
之類然於田志頗有增損萬曆庚子自序武林宋
應昌山陰朱敬循東嘉王叔杲天台項復弘赤城
陳公選常山徐伯清東嘉陳有孚並序三衢孔聞
音四明孫大中就李黃秉中苕溪徐有恆並跋
西湖志類鈔三卷

錢塘俞思冲似宗著

西湖圖說一卷

明仁和何琮文璧著見分省人物考仁和縣志琮學問該博會

預脩寰宇通志

濬復西湖錄一卷

明西蜀楊孟瑛温甫著孟瑛任杭州知府議開西

湖因有是錄百川書志編內所載濬湖章疏文移碑記二十篇論古今利弊事勢以紀

告厥成功之始終也

湖山一覽錄二卷

不著撰人見焦氏經籍志

西湖紀逸一卷

宋錢塘林逋君復著見晁氏讀書志是編諸簿錄
不載惟文淵閣書目有之

西湖紀逸一卷

葉澤卿著見棗竹堂書目

湖山遺老傳一卷

宋仙居吳芾明可著見宋史藝文志
讀書附志芾諡康肅台人

嘗居西湖著湖山詩集四十三卷別集一卷

武林錄一卷

宋何澹著見金華賢達傳

行都記一卷

宋方勺著見續文獻通考

行都紀事一卷

宋陳晦著今刻於說郛者非足本

續行都紀事一卷

不著撰人見文淵閣書目又見棗竹堂書目題一
卷

都城紀勝一卷

宋灌圃耐得翁著端平乙未自序凡十四門分三十條襍記市肆坊舍園苑諸事揚州詩局以宋本重刊

錢塘瑣記一卷

宋于肇著見成化杭州府志

錢塘遺事一卷

宋趙彥柅著見續文獻通考

錢塘遺事十二卷

元劉一清著見續文獻通考諸簿錄題一卷者誤也原本已失傳武林紀事猶引數十事今刻於說郛者僅四條而已

武林舊事十卷

元四水潛夫著潛夫者周密公謹也四水潛夫自序乾道淳熙間三朝授受兩宮奉親古昔所無一時聲名文物之盛號小元祐豐亨豫泰至寶祐景定則幾於政宣矣子曩於故家遺老得其梗槩及客脩門閒聞退瑤老監談前朝舊事輒耳諦聽終日夕不少倦既而曳裾貴邸耳目益廣朝歌暮嬉酣玩歲月意謂人生正復若此初不省承平樂事為難遇也及時移物換追想昔游殆如夢寐遇歲時檀欒酒酣耳熱時為小兒女戲道一二未必不以為夸言欺

我也每欲萃成編帙如呂榮陽襍記而加詳孟元老夢華而近雅病忘慵情未能成書世故紛來懼終散佚因撫大槩襍然書之青燈永夜時一展卷恍然類昨日事朋游淪落如晨星霜葉而余亦老矣噫盛事無常華年既往後之覽者能不興慨我寤歎之思乎四水潛夫書忻厚德武林舊事跋武林舊事乃弁陽老人草窗周密公謹所集也刊本止第六卷山村仇先生所藏本終十卷後歸西湖莫氏余得假鈔以成全書藏於家塾至元後戊寅忻厚德用和父跋謹按武林舊事足本凡十卷自明正德間宋廷佐刊置郡庠本又嘉靖間杭郡守陳柯翻刻本止前六卷海鹽姚士麟續刻後五卷目曰後武林舊事五卷者即就原本後四卷內析出一卷為五卷也郎瑛七修類稿云杭刻其六全者在吳人袁飛卿家是疑續刻五卷猶未全殊不知原本止有十卷見於元忻厚德跋並未嘗有十二卷也又七修類稿云公謹居齊之東作齊東野語居杭癸辛街作

癸辛襍識泗水出山東號泗水潛夫居華不注號弁陽老人第舊事皆敘杭事不應題泗水然舊本又作四水當別有義意按湖錄四水者湖城以苕水餘不水前溪水北流水合而入於雪溪唐人詩四水交流雪聲據此則四水乃吳興之名公謹生於湖中年遷杭晚仍還弁號弁陽老人是則公謹原稱四水古本作四水潛夫洵乎不謬也

增補武林舊事一卷

明張墉著見錢塘縣志

夢梁錄二十卷

元錢塘吳自牧著自牧字爵未詳

吳自牧夢梁錄自序昔人臥一

炊頃而平生事業數歷皆徧及覺則依然故吾始知其為夢也矧時異事殊城池苑囿之富風俗人

物之盛緬懷往事殆猶夢也因名曰夢梁錄云脫
有遺闕識者幸改正之甲戌歲中秋日錢塘吳自
牧書鐵網珊瑚錢塘自宋南渡建都其山川宮室
遂甲天下而其時序土俗坊宇游戲之事多以細
瑣不登史冊自牧生長於宋目擊其事特為之紀
述則南宋雖偏安一隅而承平氣象猶可因此想
見亦一快也先自牧有孟元老著夢華錄載汴京
故事此錄續元老而作殆合璧也朱彝尊夢梁錄
跋曩從古林曹氏借鈔夢梁錄止得十卷後留京
師聞棠邨梁氏有足本其卷倍之亟錄而藏諸笥
惜其用筆拖沓不知所裁未若泗
水潛夫武林舊事之簡而有要也

古杭雜記一卷

元李有著所紀多南宋湖上諸事原本失傳今刻
於說郛者非足本也

古杭雜記詩話三卷

不著撰人相傳宋末人作

南宋故都宮殿記一卷

元周密公謹著分門殿堂齋樓閣亭軒園囿以類
敘次

南宋行宮記一卷

元陳隨應著全文見成化杭州府志後來郡邑志
多錄之輟耕錄陳隨應南宋行宮記書
法詳贍宋之宮闕大槩可見

南宋行宮考一卷

明天台徐一夔大章著全文見成化杭州府志及始豐稿一夔於洪武時為杭郡庠教授撰洪武杭州府志五十卷是考緣修府志而作今府志則失傳矣

古杭夢游錄一卷

宋灌圃耐得翁著略與周密市肆記同

百川書志編內紀杭

風俗凡十三事今世罕傳中多斷文惜專市肆無政教之說焉

武林聞見錄一卷

宋楊德溫著皆紀宋末事見武林紀事

武林市肆記一卷

元周密公謹著紀城內外酒樓茶坊歌館市賣物色等事南宋時錢湖赤山行春龍山諸處最盛是編詳述焉

客杭日記一卷

元京口郭昇天錫著昇有集見元詩選

武林紀事六卷

續編二卷

明仁和吳瓚器之著前六卷多載南宋遺事注明各書出處續二卷述近代間見之事隆慶辛未仁

和陳堯道跋

仁和縣志贊知南通州甫兩月力辭歸性好吟詠自稱樂閒道人頗多撰

述考求遺文作武林紀事八卷最為該博

武林近事十卷

明馮廷槐著見錢塘縣志

錢塘縣志廷槐自稱二

林近事十卷書成家貧不能授劑工孫士驤為之繕寫成帙又燬於火今所存乃紙背草創稿也

武林內外志一卷

明仁和邵穆生汝宣著見靈隱寺舊志

武林聞見異事一卷

明蘇文定著文定褚塘人武林紀事多引之

西湖塵談四卷

明仁和沈儀懋德著是編凡分四錄一錄六十四

條二錄五十五條三錄六十三條四錄七十條惟

第四錄多敘西湖古今事蹟人物襍錄詩詞間有

辨證仁和縣志稱其作兩湖塵談錄十卷者誤也

西湖塵談錄十卷

明莆田宋瑞儀著見續文獻通考不載卷數焦氏

經籍志題十卷

曲江聞見錄一卷

明仁和陳堯道著見堯道武林紀事跋

熙朝樂事一卷

明錢塘田汝成叔禾著是編多紀西湖節物之事
原載西湖志餘此獨刊行故錄之

湖壩襍記一卷

錢塘陸次雲雲士著凡七十條

陸次雲自序嘗讀西湖志餘愛其搜

奇標異蔚為大觀然田叔禾先生去今遠矣續輯無人余有志未逮偶有見聞聊紀一二竊比於委巷叢談云

吳越石壁記二卷

不著撰人見崇文總目

宋史藝文志錢鏐以唐末答詔刻於石

錢塘勝蹟記五卷

宋西湖釋懷顯著朝請大夫輕車都尉周邠序見

咸淳臨安志

錢塘湖山遊覽記一卷

宋鞏廷均著見咸淳臨安志廷均宋初為錢塘令
見咸淳志職官表成化郡志稱此書是其為令時
作也

錢塘勝遊錄一卷

宋宣城周紫芝少隱著紹興乙丑自序是編今不傳惟紫芝自序見於太倉稊米集俱敘湖山遊詠之事

武林山紀一卷

不著撰人見通志藝文略

錢塘七述

宋濟北晁補之無咎著見蘇門六君子文粹

武林山七志一卷

明仁和邵穆生汝宣著見兩浙名賢錄穆生後更

名重生隱居靈隱山中因著此書又有山中甲子

詩

瑞石山志一卷

不著撰人見天一閣書目

湖山小記一卷

明蕭士瑋著見天下名山記

西湖遊記一卷

明尹伸著見天下名山記

西湖臥遊畫冊記一卷

明嘉定李流芳長蘅著

西湖夢尋五卷

會稽張岱宗子著順治丁亥自序武林金堡查繼佐古夔李長祥山陰祁豸佳王雨謙序

錢塘西湖鄉賢祠錄一卷

不著撰人見文淵閣書目今考武林紀事所引范平褚陶范叔孫范元琰郎簡吳師禮余古楊載諸傳頗稱詳慎相傳元代人作

西湖雙忠傳一卷

錢塘吳之鯨伯裔著記岳飛于謙事見金陵黃氏

書目

西湖書院志一卷

明仁和徐奇著見嘉靖仁和縣志

西泠五賢崇祀錄一卷

祀柴紹炳陳廷會汪胤沈昫孫治五人方象瑛記

靈衛廟志一卷

明杭人夏賓著萬曆丁未監察御史提督江南學校郡人楊廷筠序隆慶庚午海昌沈友儒刻

勳賢祠志一卷

明豫章喻均著嘉靖九年創勳賢祠祀王文成守

仁因著祠志

重修勳賢祠志四卷

明錢塘陳善敬亭著以舊志簡略因廣為四卷萬

曆己丑自序康熙戊寅重刊徐潮序

西湖淨社錄三卷

宋釋省常著見宋史藝文志

武林西湖高僧事略一卷

宋瑪瑙寺釋元敬節庵輯先是節庵會萃耆臘自

晉逮宋卓錫西湖者得二十四人又增六人繪像

建閣祀之後慮流傳勿永復命東嘉僧元復撫其

事實各繫以贊而授之梓寶祐丙辰吳郡莫子文

序元季兵燹舊本散佚虎跑僧無已重為開雕正

統戊辰武林汪通後序

西湖高僧傳一卷

不著撰人見金陵黃氏書目

武林梵志十二卷

明錢塘吳之鯨伯裔著萬曆壬子自序首列城內
梵剎次城外以南北山分敘又次列諸禪師本傳
末附潮汐鐵幢西湖諸考江左浮渡居士吳用先
序

西溪梵隱志四卷

明海寧吳本泰藥師著分紀勝紀剎紀詩紀文四
類有自序武林錢朝彥殷求序秋雪苾芻智一後
序

靈隱寺志八卷

明昌黎白珩子佩著萬曆壬辰太子少保吏部尚
書元洲張瀚序珩自為後序題曰將仕郎周府教
授昌黎白珩本寺住持如通圓寧真祥校刊

靈隱寺志八卷

錢塘孫治宇台著康熙二年嚴沆顯亭序吳門徐
增子能重修康熙十年靈隱住持戒顯晦山校刊

并序

戒顯靈隱寺志序靈隱寺舊有白珩之志因
其太略先師巨德老人屬孫宇台社翁重撰

爰以辨論太多適吳門徐子能氏來因舉白
孫二志重加校讐閱一載而成書爰付剞劂

天竺靈苑集三卷

採遺一卷

西泠志 卷二十九
宋錢塘釋遵式知白著

書錄解題遵式錢塘僧所謂式懺主者也居靈竺間

三生石合記一卷

明釋大曉著首紀三生石圓澤事次紀虛懷禪師

語錄吳本泰序

上天竺山志十五卷

天目山三學學人廣賓著順治三年古潤妙香居

士孫時偉序

中天竺寺志一卷

不著撰人鈔本藏本寺

下天竺寺志一卷

不著撰人鈔本藏本寺

南屏淨慈寺志十卷

明住山沙門大壑著萬曆乙卯六夢居士虞淳熙

序

虎跑定慧寺志四卷

釋法深本然著康熙三十一年徐潮毛奇齡宋嗣

京並序

慧因高麗寺志十二卷

明陽羨李翥飛侯著天啟丁卯自序虎林徐時泰
蔣如奇並序前刻東坡先生晉水禪師二像

無門洞志一卷

明歙人潘之恆著

鳳凰山大報國寺考古錄一卷

釋智生靈繹著康熙三年自序

鳳凰山聖果寺志一卷

石屋隱佛巖釋超乾石堂著康熙元年自序

天龍寺志二卷

杭釋廣賓著

崇聖紀事一卷

明釋行素著崇禎己卯錢受益劉同升黎遂球並
序

理安寺紀四卷

佛石巖沙門仲光著

雲棲志一卷

明釋祿宏蓮池著

雲棲紀事一卷

明釋祿宏蓮池著是編分六門一山圖二碑記三

古蹟四條約五錄賢六題詠萬曆三十七年刊

雲棲蘭若志一卷

明秀水馮夢禎開之著見錢塘縣志

雲棲大師塔銘一卷

不著撰人見金陵黃氏書目

雲棲大師傳一卷

明錢塘虞淳熙著見淡生堂書目

武林宮觀志一卷

錢塘吳允嘉志上著允嘉著武林耆舊傳最稱該

博

通元觀志二卷

明仁和姜南明叔著嘉靖十三年自序仁和江曉

錢塘田汝成福清陳仕賢並序南著蓉塘詩話亦

多載湖上之事

重脩通元觀志二卷

錢塘吳陳琰寶崖華亭朱溶若始重輯晉安林雲

銘錢塘顧豹文仁和戴普成並序錢塘俞文祥馬

西漢志 卷二十九
銓范允鏞本觀朱廣基並跋

開元宮圖一卷

不著撰人元泰定二年柳貫後序見柳待制集

紫陽庵志一卷

不著撰人

瑞石山紫陽集二卷

明范棲雲著見聚樂堂藝文志

武林紫陽道院志五卷

錢塘凌紹雯子文重脩

重陽菴集二卷

前卷明道士梅古春著成化十一年山東布政使

左參政錢塘江玘序後卷明道士俞大彰著嘉靖

十三年湖廣布政使右參政淳安王子謨序

吳山城隍廟志一卷

明道士錢斯馨著崇禎戊寅巡撫喻思恂序

重脩吳山城隍廟志一卷

錢塘顧鳴廷脩康熙甲申刊

西湖韻事一卷

錢塘汪汝謙然明著紀脩復西湖龍王堂事

西湖百詠一卷

宋錢塘楊蟠公濟著見續文獻通考是編失傳詩

多雜見咸淳臨安志成化杭州府志蟠登慶曆六年第嘗作錢塘百詠詩起湖

山堂至西水亭各為一絕

西湖百詠一卷

宋當塗郭祥正功甫著凡五絕一百首編於青山

集中其首題云和楊公濟錢塘西湖百題

謹按楊蟠百詠久失傳其詩採入咸淳臨安志者後來郡邑志多錄之惟郭祥正百詠全載青山集

則知楊蟠百詠相同也

錢塘百詠一卷

宋廬陵李珣元暉著見景泰吉安府志

西湖百詠一卷

元錢塘道士董嗣杲明德著嗣杲又號靜傳居士

凡九十六題每題賦七律一首題下有引詳敘故

實考訂精核足備志乘之採

和西湖百詠詩一卷

明餘姚陳贄惟成著卽嗣杲原題依韻和詩凡七

律九十六首與嗣杲詩併刻天順癸未南康知府

錢塘陳敏政序嘉靖丁酉重刊周藩南陵玉雲樓

子序周藩西湖百詠序天順間會稽陳太常少卿

贊所和宋季董嗣杲西湖百詠逐景述其故

實董倡居前陳和居次景凡九十六詩共一百九

西溪百詠一卷

不著撰人相傳宋末人作尺百題俱用四字板對

每題下繫一小序明天順庚辰周謨繼和有序周謨

西溪百詠序吾友徐廷用一日過余曰昨於杭之

舊識處偶得西溪百詠一卷乃宋朝吾鄉先輩之

所作也奈何歲久失其前序竟不知何姓字人作

觀其注識立題誠所謂好事君子也余與廷用深

許之不揣菲薄步

其韻而效顰如左

和西溪百詠二卷

明西溪釋大善著崇禎庚辰自序武水曹勳序釋大

善和西溪百詠自序西溪百詠宋人所作始行於

元世已亡其姓氏凡一題一序自留下仙宮東出

報先佛慧西入妙淨光明東西五十里間梵刹琳

宮塚祠橋渡山房別墅嶺嶠林泉奇勝全收斑斑

可考可作茲山志略國朝天順間隱士周謨和之

積百首坊刻久湮唱和莫辨余偶拈舊題并為分

注拾遺補闕亦得百首分上下卷自謂無當風雅

西湖百詠詩餘一卷

宋淳安胡朝穎達卿著見兩浙名賢錄

武林山十詠一卷

宋宣城梅詢昌言著相傳其爲仁和令時作刻石冷泉亭上後人因刻以行世仁和縣志作字克臣

吳山紀實詩一卷

元高維正著

湖山游詠錄一卷

明錢塘劉英邦彥著見明詩綜英號賓山

錢塘湖山勝概詩文集一卷

明錢塘夏時以正著有自序卷中記一篇絕句一百首其詩題悉仍董嗣杲之舊餘姚陳贄序錢塘縣志題曰西湖總句

西湖游詠二卷

明吳郡黃省曾勉之著見焦氏經籍志

湖山游詠錄一卷

天台王象著見天台縣志

西湖老人繁勝記一卷

不著撰人見棊竹堂書目

南宋襍事詩七卷

武林沈嘉轍吳焯陳芝光符會趙昱厲鳴趙信著
凡七人各賦七絕一百首每詩下各繫事實以補
田汝成西湖志之缺

錢塘賦一卷

宋葛澧著臨安陳氏書籍鋪刊行

西湖賦一卷

元錢塘白珽廷玉著自題棲霞山人

西湖三賦一卷

明富陽吳梯仲升著杭州府志梯爲文自出體裁詩亦雅贍仁和台劉洪謨聞而慕之會同游吳山言田汝成志西湖而不及作賦梯請援楮筆立成三賦洪謨爲之授梓而傳之

石屋山居詩二卷

宋石屋釋清琪著皆石屋山居之作見百川書志
淡生堂書目石屋和尚山居詩并當湖語錄二卷釋至柔編梓

和永明山居詩一卷

雍布衲著見萬曆錢塘縣志

和永明詩一卷

梅雪著見萬曆錢塘縣志

天竺別集一卷

不著撰人見茶竹堂書目

虎林湖山高隱集五卷 附錄一卷

明錢塘高誼著附錄皆同時人詩文見金陵黃氏

書目

觀物吟一卷

明南海鄧羽著

仁和縣志羽於永樂中為道士隱居武林山有觀物吟一卷自言忘情消白日高臥看青山動落花流水之機適閒雲幽鳥之趣遂成意外佳句錢虞山曾序而刻之

武林湖山倡和集一卷

明秀水陳禧著見嘉禾徵獻錄

山居倡和集一卷

明釋永願本源著永願鄞人住上天竺見上天竺

山志

西湖三潭放生詩一卷 遷塔詩一卷

明釋大壑著見淡生堂書目

西湖冶興二卷

明會稽王瀛元溟著見明詩綜

西湖志 卷二十九
湖上篇一卷

明錢塘李奎伯文著見萬曆錢塘縣志

西湖草一卷

明秀水項眞不損著見明詩綜

澗中詩一卷

明卓爾昌仲期著係游九溪十八澗所賦之詩沈

朝煥序

湖上編二卷

仁和張遂辰卿子著皆湖山游詠之作

古斑竹園詩文一卷

棲霞山樵雪松著南宋時爲斑竹園後改名龍勝

院有自序

河渚詞一卷

仁和胡介彥遠著

古杭雜記詩集四卷

不著撰人無序有目凡分四十九題皆襍記當時
詩詞謠諺而各繫以本事末題云已上皆係宋朝
遺事一依廬陵正本殆亦臨安權場所賣小說書

之類也

吳山社集一卷

明沈仕懋學施經引之同著見萬曆錢塘縣志

錢塘

縣志一時錢塘文士蔚起如郎瑛仁寶之淫書博物沈仕懋學之寄傲詩繪虞舜卿國賓之篤行脩詞皆藝林之有聲者瑛有七脩類稿舜卿有握奇經注櫟邱集仕經有吳山社集傳世

西湖八社詩帖一卷

明戶曹員外閩人祝時泰汝亨光州太守仁和高應冕文中庠士新安王寅仲房庠士仁和劉子伯安元承天太守錢塘方九敘禹績江西憲副錢塘

童漢臣仲良隱君仁和沈仕懋學同著嘉靖壬戌方九敘序童漢臣後序八社者紫陽詩社湖心詩社玉岑詩社飛來詩社月巖詩社紫雲詩社洞霄詩社分春秋二社凡錄詩一百四十首沈仕雖列名因出游故無詩見集中

湖山游詠錄一卷

明仁和陳震查瀆輯以退菴老人南海鄧林福建布政使致仕富陽姚肇尚義先生仁和夏誠諸人宴游湖山所賦詩文彙為一編震自序

西湖蓮社集一卷

不著選家見焦氏經籍志

續西湖蓮社集一卷

不著選家見焦氏經籍志

韻史一卷

明海昌陳梁槎翁輯紀湖上詩社事崇禎五年刻

陳梁韻史引崔子五竺從其父使君徵仲仕武林結社聖湖一時游仕武林者推洛陽才重愛之使君製韻字箱以平仄字各六十為一箱眾客賦詩不得踰此百二十字此昔賢即席限字佳事也因彙成帙題曰韻史云

西子倡和集一卷

天中張文光都門張能鱗與汪汝謙諸人倡和之

作豫章李明睿序

十一松顛閣倡和詩一卷

杭釋恬安輯閣在北山烏石峰面臨十一松武林

茅兆儒馮景洪昇張鏞沈玉亮蘇輪項溶吳陳琰

柴世堂吳焯同賦清溪徐倬序

吳山登高詩一卷

蕭山毛奇齡首倡和者總八十七人吳門馮勗序

湖山詩選六卷

明錢塘茗水徐懋升元舉輯萬曆庚申自序寓林居士黃汝亨湖隱虞淳熙並序詩分各體凡錄古今詩家總四百六十八人懋升自題錢塘茗水者因茗溪之水發自天目經於錢塘下奉口入吳興也

西湖攬勝詩選六卷

湖上夏基泊菴輯康熙十二年富春宋維藩序所錄皆近人詩

湖山集豔詩一卷

錢塘汪汝謙然明輯汪定國序

西泠十子詩選四卷

武林陸圻柴紹炳孫治陳廷會張綱孫毛先舒丁澎沈謙吳百朋虞黃昊著見錢塘縣志

西陵詞選八卷

錢塘陸進蓋思俞士彪季璫同輯康熙乙卯梁允植丁澎並序以宦游諸人之詞爲首卷次以時賢凡錄人一百六十六方外六人閨秀二十一人

西湖志 卷二十九
崇雅堂西湖讌集詩詞一卷

錢塘王儒旦輯康熙乙丑杭州知府顧岱序

西湖銷夏集詩一卷

毘陵莊楷首倡以縈迴水抱中和氣平遠山如蘊
藉人分韻武林馮景錢經紳許田吳陳琰周崧邵
錫章吳焯周澂顧之珽邵錫光同賦長洲顧嗣立
序

韜光紀游詩集一卷

釋彌高刻康熙乙丑朱邇邁潘來鄧錫璿並序

宋岳忠武王廟詩一卷

不著撰人見棗竹堂書目

如此江山亭詩一卷

元張昱光弼首倡嘉禾周鼎跋見錢塘縣志

湖心亭題詠一卷

不著選家

西湖竹枝詞一卷

元楊維禎首倡和者總一百二十人皆注姓氏爵
里凡錄截句一百八十九首至正八年自序萬曆

丙午華亭林有麟重刊又萬曆乙卯馮延年亦有
刊本馮夢禎評點

西湖竹枝詞續集一卷

西湖徐士俊野君陸進藎思同輯自瞿佑沈周而
下錄人凡二百四十六錄詩四百十四

西湖竹枝詞一卷

新城王士禛西樵著凡二十首浙江按察使宋琬
荔裳序

西湖東山竹枝詞一卷

錢塘謝起蛟睿因著凡五十首錢塘吳焯序

西湖十景詞一卷

元雁門薩都刺天錫著見宣德仁和縣志

西湖蹋燈詞一卷

馬逸千著蕭山毛奇齡序

吳山神絃曲一卷

淮南彭孫貽羿仁著凡樂府四十二首皆吳山神
廟迎神之辭有自序

西湖采蕩曲二卷

西湖志 卷二十九
明錢塘虞淳熙淳貞同著分六言七言截句附徐
桂張邦侗金曾禮張文頴和詩

西湖綺草一卷

錢塘汪汝謙然明著

不繫園題詠一卷

錢塘汪汝謙然明輯不繫園者汝謙所作舟名陳
繼儒題扁汝謙有自記一篇附以題詠之作天啟
三年黃汝亨序

隨喜菴詩一卷

錢塘汪汝謙然明輯隨喜菴者汝謙所作舟名董
其昌題扁崇禎元年自序

西溪筍譜一卷

明法華山釋真一著天啟丁卯自序

西溪梅譜一卷

明法華山釋真一著天啟丁卯自序

南山桂譜一卷

明西湖朱鳳翔著正德庚午自序

種兩堤桃柳議一卷

明錢塘聞啟祥子將著凡十則有自序

草花譜一卷

明錢塘高濂著皆紀西山中草花

西湖筆墨譜一卷

雲間張一鶚忍齋著嚴沆序

煮泉小品一卷

明田藝衡子藝著所載多兩山泉品

幽怪錄一卷

明錢塘田汝成叔禾著專紀湖上幽怪之事即西

湖志餘中幽怪傳疑後人分出刊行

南漳子二卷

錢塘孫之騷晴川著西溪河渚舊稱南漳湖此編

皆紀河渚土風物產之事

西湖勝蓮社約一卷

明錢塘虞淳熙德園著有自序

虞淳熙自序西湖南宋放生池也亭

以飛泳名凡社友以放生來必攜飛泳之類社定錢湖舟中間詣上方池淨慈萬工池昭慶香華池期以每月六齋日自脩供具不讓遠客不設烹宰違約者罰

西湖月會約一卷

明禹航嚴武順訥公著 李流芳月會約疏往見訥公月會之語心竊善之今年余來游湖上夏秋之交兩與茲會暫假西山之靈權為東道之主若於城市之內我實不堪將置泉石之間定復不惡人地相得往昔為難便可寫之丹青傳之歌詠洵作千古美談豈徒一時勝事而已

西湖畫舫約一卷

錢塘汪汝謙然明著寓林居士黃汝亨跋

湖船錄一卷

錢塘厲鶚太鴻著吳興姚世珏序 厲鶚自序西湖事者惟船為多秀水朱竹垞先生作說舟一篇其命名有以形者有以色者有以姓者余繙尋故冊

自宋元及近時所造又得數十條連綴於後其出於先生者間有增注都為一編以為湖上故事云

西湖志卷之二十九

總校董紹舒分校

王彥起
張景雲
校

